

Արձանագրություն

Կապանի համայնքապետարանի կողմից փորձաքննության ներկայացված Սյունիքի մարզի Կապան համայնքի Կապան բնակավայրի Գործարանային փողոց 36/1, 36/2, 36/3 հասցեներում մեքենամեխանիզմների տեխնոպարկի կառուցման շրջակա միջավայրի վրա ազդեցության գնահատման հաշվետվության վերաբերյալ հանրային 2-րդ լսման

Կապան բնակավայր

18/09/2025թ.

Համաձայն «Շրջակա միջավայրի վրա ազդեցության գնահատման և փորձաքննության մասին» ՀՕ-150-Ն օրենքի և Կառավարության 2023 թվականի դեկտեմբերի 28-ի N 2343-Ն որոշման հավելվածի՝ 2025թ. սեպտեմբերի 18-ին՝ ժամը 14:00-ին Սյունիքի մարզի Կապանի մշակույթի կենտրոնի շենքում տեղի ունեցավ Կապանի համայնքապետարանի կողմից փորձաքննության ներկայացված Կապան բնակավայրի Գործարանային փողոց 36/1, 36/2, 36/3 հասցեներում մեքենամեխանիզմների տեխնոպարկի կառուցման շրջակա միջավայրի վրա ազդեցության գնահատման հաշվետվության վերաբերյալ հանրային 2-րդ լսումը:

Հանրային լսմանը մասնակցում էին «ՇՄԱՓԿ» ՊՈԱԿ-ի մասնագետ՝ Ս. Կիզիրյանը, «ՍԹԵՄ» ՍՊԸ-ի ներկայացուցիչ՝ Հ. Այվազյանը, համայնքապետարանի ներկայացուցիչները, աշխատակիցները և այլն:

Բացման խոսքով հանդես եկավ «ՇՄԱՓԿ» ՊՈԱԿ-ի մասնագետը, նշեց, որ փորձաքննության է ներկայացվել Կապանի համայնքապետարանի կողմից Կապան բնակավայրի Գործարանային փողոց 36/1, 36/2, 36/3 հասցեներում մեքենամեխանիզմների տեխնոպարկի կառուցման աշխատանքների շրջակա միջավայրի վրա ազդեցության գնահատման հաշվետվությունը: Նշեց, որ կատարվել են համապատասխան ծանուցումներ, գործունեության վերաբերյալ իրենց կարծիքներն են հայտնել մի շարք նախարարություններ, շրջակա միջավայրի նախարարության մասնագիտական ստորաբաժանումները և փորձաքննական կենտրոնը, որոնց կարծիքների, առաջարկությունների և դիտողությունների հիման վրա հաշվետվությունը լրամշակվել է: Լրամշակումից հետո արդեն իրականացվում է 2-րդ հանրային լսումը:

Հանրային լսման ծանուցումից հետո՝ 20 աշխատանքային օրվա ընթացքում հանրությունը կարող է իր կարծիքը, դիտողությունը կամ առաջարկությունը գրավոր կամ էլեկտրոնային տարբերակով ներկայացնել շրջակա միջավայրի նախարարություն:

Համաձայն ներկայացված հաշվետվության կոորդինատային տվյալների և առկա քարտեզագրական տեղեկատվության տարածքում կարող է հանդիպել բույսերի Կարմիր գրքում գրանցված՝ Խոզանափուշ Գաբրիելյանի (լատին.՝ *Cousinia gabrieljaniae*) և Քաջվարդ նեղատերև (լատին.՝ *Paeonia tenuifolia*) բուսատեսակները, որոնց հանդիպման դեպքում անհրաժեշտ է համապատասխան պահպանության միջոցառումների իրականացում:

Նախատեսվող գործունեության իրականացման ընթացքում՝ շրջակա միջավայրի վրա ազդեցության գնահատման և փորձաքննության նպատակն է բացահայտել, վերլուծել ու գնահատել բնապահպանական ազդեցությունները, որոնք կապված կլինեն փորման, բեռնման աշխատանքների, հողային զանգվածների տեղափոխման, շինարարական տեխնիկայի շահագործման, բետոնային աշխատանքների, փոշու արտանետումների հետ, շինարարության

փուլում, վառելիքի արտանետումներ՝ շինարարական տեխնիկայի շահագործման ժամանակ, շրջակա միջավայրը աղտոտող վնասակար նյութերը, թափոնները, և այլ գործոններ: Թվարկված աշխատանքների հնարավոր բացասական ազդեցությունները կանխարգելելու, չեղոքացնելու կամ նվազեցնելու նպատակով նախատեսված են բնապահպանական միջոցառումներ, որոնք ներառված են հաշվետվության մեջ:

Ճարտարապետը ներկայացրեց նախատեսվող տեխնոլարկի տեխնիկատնտեսական ցուցանիշները, նախագիծը, հարկայնությունը, կառուցվածքը, նշեց, որ տարածքը կառուցապատվելու է պարագծով, որն իր հերթին բաժանված է լինելու երեք հատվածների՝ վերին, միջնամասային և ստորին շարքերի: Վերին և միջնամասային շարքում նախատեսված են շվաքարաններ: Ձախակողմյան շարքում տեղակայված են լինելու բաց բոքսեր՝ սպասարկման, վերանորոգման համար և կծառայեն որպես պահեստներ: Ստորին շարքում տեղակայված են լինելու բոքսեր՝ սպասարկման, վերանորոգման համար, պահեստներ՝ մեքենաների պահեստային մասերի, շինանյութերի, տնտեսության համար, առաջին անհրաժեշտ ապրանքների համար և այլն: Տարածքի ճանապարհին կից հատվածում նախատեսված է երկու հարկանի վարչական մասնաշենք՝ 50 հոգու համար, նկուղային հարկով, որը ծառայելու է որպես թաքստոց: Նկուղային հարկը կունենա առանձին մուտք և ելք, որոնք տեղակայված կլինեն իրարից հնարավորինս հեռու: Պահպանելով թաքստոցի նորմատիվ պահանջները, նախատեսված են զուգարաններ, առանձին դիզ. գեներատորի տարածք, պահեստ՝ տարբեր նշանակության իրերի համար:

Առանձին տարածքում նախատեսված է երկու հատ ճնշումով մեքենաների լվացման կայան:


Հարցեր հնչեցին ջեռուցման, կանաչապատման, հողաբուսաշերտի առկայության, գազամատակարարման, կոյուղու վերաբերյալ, որոնց ՍՊԸ-ի ներկայացուցիչը տվեց պատասխաններ, համաձայն որի ջեռուցումը նախատեսված է էլեկտրական ռադիատորների միջոցով, շինարարական աշխատանքների ավարտից հետո նախատեսվում է տարածքը կանաչապատել և բարեկարգել՝ համաձայնեցված Կապանի համայնքապետարանի հետ, մաքուր հողաբուսաշերտը բացակայում է, անձրևաջրերը ուղղվելու են դեպի սպասարկող կից ճանապարհ, որի հեռացման համակարգի վրա տեղադրվելու է ջրի մաքրման սարքեր: Տեխնոլարկում գազամատակարարում չի նախատեսվում: Մեքենաների տեխնոլարկի տարածքը նախատեսված է ցանկապատել կանոնավոր տուֆե քարով, լվացման կայանի ցանկապատը նախատեսված է մետաղից:

«ՇՄԱՓԿ» ՊՈԱԿ-ի մասնագետը նշեց, որ շինաշխատանքների իրականացման ժամանակ հետևողական լինեն կատարվելիք աշխատանքներին, հետևեն, որպեսզի հնարավորինս քիչ լինեն բացասական ազդեցությունները շրջակա միջավայրի վրա, իսկ վերջիններիս առկայության դեպքում իրականացնեն մեղմացնող միջոցառումներ՝ տարածքի ջրցանում, շինհրապարակից դուրս գալիս մեքենաների անիվների մաքուր վիճակ, շինաշխատանքների իրականացման ժամանակ աղմուկի առաջացման ժամանակակից ցածր ցուցանիշներ ունեցող տեխնիկական միջոցների ներգրավում, ինչպես նաև դրանց շահագործում տեխնիկական նորմալ վիճակում և այլն:

Այլ առաջարկություններ և դիտողություններ չներկայացվեցին: Ամփոփելով լսումների արդյունքները, մասնակիցների կողմից գործունեությունն արժանացավ հավանության:

Կից ներկայացվում է մասնակիցների ցանկը:


Քննարկումների պատասխանատու և վարող՝
«Շրջակա միջավայրի վրա ազդեցության
փորձաքննական կենտրոն» ՊՈԱԿ




(ստորագրություն)

Սվետլանա Կիզիրյան

Նախաձեռնող՝
Կապանի համայնքապետարան



(ստորագրություն)



Սեպտեմբերի 18, 2025թ.

ՄԱՍՆԱԿԻՑՆԵՐԻ ՑԱՆԿ

Կապանի համայնքապետարանի կողմից փորձաքննության ներկայացված Սյունիքի մարզի Կապան համայնքի Կապան բնակավայրի Գործարանային փողոց 36/1, 36/2, 36/3 հասցեներում մեքենամեխանիզմների տեխնոպարկի կառուցման շրջակա միջավայրի վրա ազդեցության գնահատման հաշվետվության վերաբերյալ հանրային 2-րդ լսում

18 սեպտեմբեր, 2025թ.

Հ/հ	Անուն Ազգանուն	Կազմակերպության անվանում/ բնակության վայր	Կոնտակտային տվյալներ	Ստորագրություն
1.	Ամիրջանյան Կիսիկյան	ՀՄԽՓԿ ՊՈԱԿ Ծառուսցեթ	044/220215	Կամիկյան
2.	Դեմիրճյան ՄԵՋԻՍԿ	Գալուստյան Կոմիտաս	099222368	Դեմիրճյան
3.	Խամբիկ Զոհրաբյան	Կապանի համայնքապետարան	094314151	Խամբիկ
4.	Լուսինե Կոստանյան	ՀԱՐՈՇԵՆՈՒԹՅԱՆ ԿԵՆՏՐՈՆ	091434655	Լուսինե
5.	Դավիթ Դիմիտրյան	Կապանի համայնքապետարան	094659444	Դավիթ
6.	Մարտիրոս Կիրակոսյան	Կապանի համայնքապետարան	(77)999433	Մարտիրոս
7.	Լուսինե Զամբակյան	Կապանի համայնքապետարան	094112820	Լուսինե
8.	Լարսեն Զամբակյան	Կապանի համայնքապետարան	078-232-943	Լարսեն
9.				
10.				
11.				
12.				
13.				
14.				
15.				
16.				
17.				